

**ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ**  
**ԿԵՆՏՐՈՆԱԿԱՆ ԸՆՏՐԱԿԱՆ ՀԱՆՁՆԱԺՈՂՈՎ**

**15 ապրիլի 2017թ.**  
**ք.Երևան**

**N 170-Ա**

**Ո Ր Ո Շ ՈՒ Մ**

**ԵՐԵՎԱՆԻ ԱՎԱԳԱՆՈՒ 2017 ԹՎԱԿԱՆԻ ՄԱՅԻՍԻ 14-Ի ԸՆՏՐՈՒԹՅՈՒՆՆԵՐԻՆ**  
**ԿՈՒՍԱԿՑՈՒԹՅՈՒՆՆԵՐԻՆ, ԿՈՒՍԱԿՑՈՒԹՅՈՒՆՆԵՐԻ ԴԱՇԻՆՔԻՆ ՀԱՆՐԱՅԻՆ**  
**ՀԵՏՈՒՏԱՏԵՍՈՒԹՅԱՄԲ ԵՎ ՀԱՆՐԱՅԻՆ ՌԱԴԻՈՅԻՆ ԵԹԵՐԱԺԱՄ ՏՐԱՄԱԴԻԵԼՈՒ**  
**ԿԱՐԳԸ ԵՎ ԺԱՄԱՆԱԿԱՑՈՒՅՑԸ ՍԱՀՄԱՆԵԼՈՒ ՄԱՍԻՆ**

Ղեկավարվելով Հայաստանի Հանրապետության ընտրական օրենսգրքի 20-րդ հոդվածի 2-րդ մասով և 138-րդ հոդվածով՝ Հայաստանի Հանրապետության կենտրոնական ընտրական հանձնաժողովը

**Ո Ր Ո Շ ՈՒ Մ Է.**

1. Սահմանել Երևանի ավագանու 2017 թվականի մայիսի 14-ի ընտրություններին մասնակցող կուսակցություններին, կուսակցությունների դաշինքին՝
  - 1) հանրային հեռուստատեսությամբ և հանրային ռադիոյով եթերաժամ տրամադրելու կարգը՝ համաձայն N 1 հավելվածի,
  - 2) հանրային հեռուստատեսությամբ անվճար և վճարովի եթերաժամ տրամադրելու ժամանակացույցը՝ համաձայն N 2 հավելվածի,
  - 3) հանրային ռադիոյով անվճար և վճարովի եթերաժամ տրամադրելու ժամանակացույցը՝ համաձայն N 3 հավելվածի:

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ**  
**ԿԵՆՏՐՈՆԱԿԱՆ ԸՆՏՐԱԿԱՆ**  
**ՀԱՆՁՆԱԺՈՂՈՎԻ ՆԱԽԱԳԱՀ**

**Տ. Մուկուչյան**

## **Կ Ա Ր Պ**

### **ԵՐԵՎԱՆԻ ԱՎԱԳԱՆՈՒ 2017 ԹՎԱԿԱՆԻ ՄԱՅԻՍԻ 14-Ի ԸՆՏՐՈՒԹՅՈՒՆՆԵՐԻՆ ԿՈՒՍԱԿՑՈՒԹՅՈՒՆՆԵՐԻՆ, ԿՈՒՍԱԿՑՈՒԹՅՈՒՆՆԵՐԻ ԴԱՇԻՆՔԻՆ ՆԱԽԸՆՏՐԱԿԱՆ ՔԱՐՈՉՉՈՒԹՅԱՆ ԺԱՄԱՆԱԿ ՀԱՆՐԱՅԻՆ ՀԵՌՈՒՍՏԱՏԵՍՈՒԹՅԱՄԲ ԵՎ ՀԱՆՐԱՅԻՆ ՌԱԴԻՈՅՈՎ ԵԹԵՐԱԺԱՄ ՏՐԱՄԱԴՐԵԼՈՒ**

1. Երևանի ավագանու ընտրություններին մասնակցող կուսակցություններին, կուսակցությունների դաշինքին (այսուհետ՝ կուսակցություն) նախընտրական քարոզչության ժամանակ հանրային հեռուստատեսությամբ և (կամ) հանրային ռադիոյով եթերաժամ տրամադրվում է հավասար պայմաններով՝ Հայաստանի Հանրապետության ընտրական օրենսգրքի և սույն կարգի պահանջներին համապատասխան:

2. Երևանի ավագանու ընտրություններին մասնակցող կուսակցությանը նախընտրական քարոզչություն իրականացնելու նպատակով հանրային հեռուստատեսությամբ եթերաժամ տրամադրվում է ժամը 19:15-ից որոշման N 2 հավելվածով սահմանված ժամանակացույցին համապատասխան:

3. Երևանի ավագանու ընտրություններին մասնակցող կուսակցությանը նախընտրական քարոզչություն իրականացնելու նպատակով հանրային ռադիոյով եթերաժամ տրամադրվում է ժամը 21:15-ից որոշման N 3 հավելվածով սահմանված ժամանակացույցին համապատասխան:

4. Տեխնիկական անհրաժեշտությունից ելնելով, հանրային հեռուստատեսության կամ հանրային ռադիոյի կողմից նշված ժամանակահատվածը կարող է տեղաշարժվել, բայց ոչ ավելի, քան 30 րոպե:

5. Երևանի ավագանու ընտրություններին մասնակցող կուսակցությանը, նախընտրական քարոզչություն իրականացնելու նպատակով, սույն կարգի 2-րդ կետով սահմանված ժամանակահատվածում, հանրային հեռուստատեսությունը տրամադրում է 30 րոպե անվճար և մինչև 50 րոպե վճարովի հիմունքներով եթերաժամ, ընդ որում՝

1) 2017թ. ապրիլի 21-ից մինչև 2017թ. մայիսի 4-ը ներառյալ (14 օր)՝ օրը 1 րոպե անվճար և մինչև 2 րոպե վճարովի հիմունքներով.

2) 2017թ. մայիսի 5-ից մինչև 2017թ. մայիսի 6-ը ներառյալ (2 օր)՝ օրը 2 րոպե անվճար և մինչև 2 րոպե վճարովի հիմունքներով.

3) 2017թ. մայիսի 7-ից մինչև 2017թ. մայիսի 12-ը ներառյալ (6 օր)՝ օրը 2 րոպե անվճար և մինչև 3 րոպե վճարովի հիմունքներով:

6. Երևանի ավագանու ընտրություններին մասնակցող կուսակցությանը, նախընտրական քարոզչություն իրականացնելու նպատակով, սույն կարգի 3-րդ կետով սահմանված ժամանակահատվածում, հանրային ռադիոն տրամադրում է 50 րոպե անվճար և մինչև 80 րոպե վճարովի հիմունքներով եթերաժամ, ընդ որում՝

1) 2017թ. ապրիլի 21-ից մինչև 2017թ. ապրիլի 28-ը ներառյալ (8 օր)՝ օրը 2 րոպե անվճար և մինչև 3 րոպե վճարովի հիմունքներով.

2) 2017թ. ապրիլի 29-ից մինչև 2017թ. մայիսի 6-ը ներառյալ (8 օր)՝ օրը 2 րոպե անվճար և մինչև 4 րոպե վճարովի հիմունքներով.

3) 2017թ. մայիսի 7-ից մինչև 2017թ. մայիսի 12-ը ներառյալ (6 օր)՝ օրը 3 րոպե անվճար և մինչև 4 րոպե վճարովի հիմունքներով:

7. Նախընտրական քարոզչություն իրականացնելու նպատակով հեռուստատեսային եթերաժամը տրամադրվում է Հայաստանի հանրային հեռուստաընկերության վերգետնյա հեռարձակմամբ Առաջին ալիքի եթերում, իսկ ռադիոեթերաժամը՝ Հայաստանի հանրային ռադիոընկերության 69.7 ՄՀց գերկարճ և FM հանրապետական ցանցով (Երևանում 107.7 ՄՀց):

8. Երևանի ավագանու ընտրություններին մասնակցող կուսակցության ներկայացուցիչներին նախընտրական քարոզչություն իրականացնելու նպատակով հանրային հեռուստատեսությամբ կամ հանրային ռադիոյով տրամադրվում է ուղիղ եթեր, նրանց ցանկությամբ՝ նաև հաղորդավարի մասնակցությամբ, կամ հեռարձակվում է կուսակցության կողմից ներկայացված տեսաերիզը (ձայներիզը): Հաղորդավար տրամադրվելու դեպքում պահպանվում է լրագրողի գործունեության ազատության սկզբունքը:

9. Եթերաժամը տրամադրվում է ըստ կուսակցությունների կողմից նախապես ներկայացված հայտերի՝ հանրային հեռուստատեսության կամ հանրային ռադիոյի և Երևանի ավագանու ընտրություններին մասնակցող կուսակցության միջև սույն կարգին համապատասխան կնքված պայմանագրի հիման վրա, որը բոլոր կուսակցությունների համար պետք է սահմանի հավասար պայմաններ:

10. Եթերաժամ տրամադրելու համար պայմանագիր կնքելիս ընտրություններին մասնակցող կուսակցության անունից կարող է հանդես գալ կուսակցության՝ կենտրոնական ընտրական հանձնաժողովում գրանցված լիազոր ներկայացուցիչը կամ կուսակցության կողմից լիազորված այլ անձ: Պայմանագիր կնքելու համար ներկայացվում է կուսակցության լիազոր ներկայացուցչի վկայականի լուսապատճենը կամ կուսակցության կողմից տրված լիազորագիրը, լիազոր ներկայացուցչի կամ լիազորված անձի անձնագիրը, վճարովի հիմունքներով եթերաժամից օգտվելու համար՝ նաև ՀՀ կենտրոնական բանկում բացված՝ կուսակցության, կուսակցությունների դաշինքի նախընտրական հիմնադրամի ժամանակավոր հատուկ հաշվեհամարը: Պայմանագիր կնքելու համար կուսակցությունը պետք է դիմի Հայաստանի Հանրային հեռուստառադիոընկերություն (ք. Երևան, 0025, Ալեք Մանուկյան 5, հեռ. 57-85-02):

Պայմանագիրը պետք է կնքվի առաջին եթերաժամից ոչ ուշ, քան 2 օր առաջ:

Գրանցումն ուժը կորցրած կամ անվավեր ճանաչվելու պահից ընտրություններին մասնակցող կուսակցությունների հետ կնքած՝ նախընտրական քարոզչության նպատակով եթեր տրամադրելու պայմանագրերը համարվում են ուժը կորցրած, և դադարեցվում է նախընտրական քարոզչության նպատակով եթերի տրամադրումը:

11. Ուղիղ եթերի դեպքում կուսակցության ներկայացուցիչը համապատասխանաբար Հայաստանի հանրային հեռուստաընկերություն (ք.Երևան, Նորք, Գ. Հովսեփյան 26) կամ Հայաստանի հանրային ռադիոընկերություն (ք. Երևան, Ալեք Մանուկյան 5, Ռադիոտուն) պետք է ներկայանա հերթական եթերաժամից առնվազն 30 րոպե առաջ:

Տեսանյութեր հեռարձակելու դեպքում, այդ տեսանյութերը պետք է ներկայացվեն Հայաստանի հանրային հեռուստաընկերություն (ք.Երևան, Նորք, Գ. Հովսեփյան 26) ոչ ուշ, քան համապատասխան տեսանյութը հեռարձակելու օրվա ժամը 16:00 և պետք է համապատասխանեն հետևյալ տեխնիկական պահանջներին՝

Ֆորմատ՝ MXF

Video – HD 1920 x 1080

Frame rate - 50i (25 fps)

Interlace – Top field

GOP 12

Color sampling - 4:2:0

Video Bit Rate – 35 Mbps, VBR

Audio – 2 channels / 48 KHz, 16 bit

Ձայներիզներ հեռարձակելու դեպքում, այդ ձայներիզները «WAV» կամ «MP3» ֆորմատով պետք է ներկայացվեն Հայաստանի հանրային ռադիոընկերություն (ք.Երևան, Ալեք Մանուկյան 5, Ռադիոտուն) նախընտրական քարոզչության համար սահմանված եթերաժամի սկզբից առնվազն 2 ժամ առաջ:

12. Հանրային հեռուստատեսության կամ հանրային ռադիոյի եթերաժամը սույն որոշման համապատասխանաբար N 2 և N 3 հավելվածներով սահմանված ժամանակացույցերին համապատասխան չօգտագործելու դեպքում կուսակցությանը դրա փոխարեն այլ եթերաժամ չի տրամադրվում:

13. Հանրային հեռուստատեսությամբ կամ հանրային ռադիոյով նախընտրական քարոզչություն իրականացնելու նպատակով կուսակցությանը տրամադրված եթերաժամն այլ կուսակցության կամ նրա ներկայացուցչի կողմից օգտագործվել չի կարող:

14. Հանրային հեռուստատեսության կամ հանրային ռադիոյի վճարովի հիմունքներով եթերաժամից օգտվելու համար վճարումները կատարվում են համապատասխան կուսակցության հիմնադրամի միջոցներից՝ անկանխիկ (փոխանցումով):

15. Հանրային հեռուստատեսության կամ հանրային ռադիոյի կողմից կուսակցությանը վճարովի հիմունքներով եթերաժամ տրամադրվում է, եթե մինչև եթերաժամի սկիզբը համապատասխանաբար հանրային հեռուստատեսություն կամ հանրային ռադիո ներկայացվել է Հայաստանի Հանրապետության կենտրոնական բանկի անկանխիկ վճարման (փոխանցման) հանձնարարականը:

16. Նախընտրական քարոզչությանը վերաբերող ռադիոհաղորդումները և հեռուստահաղորդումները վերգետնյա եթերային հեռարձակում իրականացնելիս ձայնագրվում և տեսագրվում են: Դրանք պահպանվում են առնվազն երեք ամիս:

**Ժ Ա Մ Ա Ն Ա Կ Ա Ց Ո Ւ Յ Ց**

Երևանի ավագանու 2017 թվականի մայիսի 14-ի ընտրություններին մասնակցող կուսակցություններին, կուսակցությունների դաշինքին

**Հանրային հեռուստատեսությամբ եթերաժամ տրամադրելու**

ԱՄԻՍ	ԱՊՐԻԼԻ											ՄԱՅԻՍԻ											
	ՕՐԸ	21	22	23	24	25	26	27	28	29	30	1	2	3	4	5	6	7	8	9	10	11	12
ԿՈՒՍԱԿՑՈՒԹՅՈՒՆՆԵՐԻ, ԿՈՒՍԱԿՑՈՒԹՅՈՒՆՆԵՐԻ ԴԱՇԻՆՔԻ ԱՆՎԱՆՈՒՄԸ	Ն ա խ ը ն տր ա կ ա ն ք ա ր ո զ չ ո յ յ ա ն ե թ եր ա ժ ա մ ի տր ա մ ա դր մ ա ն հ եր թ ա կ ա ն ու յ յ ո ն ը																						
«ԵԼՔ» ԿՈՒՍԱԿՑՈՒԹՅՈՒՆՆԵՐԻ ԴԱՇԻՆՔ	1	1	3	1	2	3	1	3	2	2	1	2	2	1	2	3	1	3	2	2	2	2	2
«ԵՐԿԻՐ ԾԻՐԱՆԻ» ԿՈՒՍԱԿՑՈՒԹՅՈՒՆ	2	3	1	2	3	2	3	2	1	3	2	3	3	3	1	1	3	1	3	1	1	3	3
ՀԱՅԱՍՏԱՆԻ ՀԱՆՐԱՊԵՏԱԿԱՆ ԿՈՒՍԱԿՑՈՒԹՅՈՒՆ	3	2	2	3	1	1	2	1	3	1	3	1	1	2	3	2	2	2	1	3	3	1	1

**Ծանոթություն** 1. Աղյուսակի «Նախընտրական քարոզչության եթերաժամի տրամադրման հերթականությունը» մասի սյունակներում նշված 1-ից 3 թվերը եթերաժամի տրամադրման հերթականությունն է:

## Ժ Ա Մ Ա Ն Ա Կ Ա Ց Ո Ւ Յ Ց

Երևանի ավագանու 2017 թվականի մայիսի 14-ի ընտրություններին մասնակցող կուսակցություններին, կուսակցությունների դաշինքին

### Հանրային ռադիոյով եթերաժամ տրամադրելու

	ԱՄԻՍ	ԱՊՐԻԼԻ										ՄԱՅԻՍԻ										
	ՕՐԸ	21	22	23	24	25	26	27	28	29	30	1	2	3	4	5	6	7	8	9	10	11
ԿՈՒՍԱԿՑՈՒԹՅՈՒՆՆԵՐԻ, ԿՈՒՍԱԿՑՈՒԹՅՈՒՆՆԵՐԻ ԴԱՇԻՆՔԻ ԱՆՎԱՆՈՒՄԸ	Ն ա խ ը ն տր ա կ ա ն ք ա ր ո զ չ ու թ յ ա ն ե թ եր ա ժ ա մ ի տր ա մ ա դր մ ա ն հ եր թ ա կ ա ն ու թ յ ո ն ը																					
«ԵԼՔ» ԿՈՒՍԱԿՑՈՒԹՅՈՒՆՆԵՐԻ ԴԱՇԻՆՔ	3	3	3	2	2	3	2	3	2	2	1	2	3	1	1	2	2	3	1	1	1	1
«ԵՐԿԻՐ ԾԻՐԱՆԻ» ԿՈՒՍԱԿՑՈՒԹՅՈՒՆ	2	1	2	3	3	2	3	1	1	1	2	1	1	3	3	3	3	2	3	3	3	3
ՀԱՅԱՍՏԱՆԻ ՀԱՆՐԱՊԵՏԱԿԱՆ ԿՈՒՍԱԿՑՈՒԹՅՈՒՆ	1	2	1	1	1	1	1	2	3	3	3	3	2	2	2	1	1	1	2	2	2	2

**Ծանոթություն** 1. Աղյուսակի «Նախընտրական քարոզչության եթերաժամի տրամադրման հերթականությունը» մասի սյունակներում նշված 1-ից 3 թվերը եթերաժամի տրամադրման հերթականությունն է: